

դասերը կարող չէ լինում գտնել եւ դերման ճամբորդներին ցոյց տալ Պորենացու պատմութեան ձեռագիրը: Նա չէ կարողանում պատասխանել այն հարցին եւս, թէ քանի՞ ձեռագիր ունի մատենադարանը: Ինչպէս ուրիշ շատ եւրոպացի ճամբորդներ, այնպէս նաեւ Վազներ այն սպաւորութիւնն է ստանում, թէ հայոց գրականութիւնը կրօնական-աստուածաբանական, մի փոքր էլ պատմական-ժամանակագրական երկերից է բաղկացած միայն:

Իր աշխատութեան նոյն այս՝ էջմիածնին նուիրուած հատուածում Վազներ մի կարճ ակնարկ է նետում հայոց եկեղեցու պատմութեան վրայ, ինչպէս նաեւ տեղեկութիւններ տալիս կաթողիկոսների եւ բողոքականների քրոնոլոգիայի մասին Հայաստանում: Առանձնապէս յիշատակում է Մխիթարի եւ Մխիթարեանների գործունէութիւնը: «Մեծ նշանակութիւն» է յատկացնում Բազէլի բողոքական միսիոնար — պատուիրներ Dietrich-ի, Saremme-ի եւ Hohenacker-ի «իսկական գործունէութեանը» Շուշում:

«Այս միսիոնարները Նոր Կտակարանը թարգմանեցին աշխարհաբար հայերէն, սակայն նրանց իրաւունք չտուին լոյս ընծայել այն, թէ եւ պատրաստակամութիւն յայտնեցին թարգմանութեան ձեռագիրը էջմիածնի Սինոդին ներկայացնել ի քննութիւն: Աւետարանական միսիոնարների թւում մանաւանդ պատուիր Դիտրիխը արտակարգօրէն տիրապետում էր հայոց գրաբար եւ աշխարհաբար լեզուներին»:

Այդ միսիոնարները Շուշում դպրոց էլ են բաց արած եղել եւ յաջողութիւն գտած: Եւ սակայն, հայ հոգեւորականութեան բողոքների հետեւանքով Անդրկովկասի կառավարչապետ բարոն Փոն Ռոզէնը — որին Վազներ համարում է շատ թոյլ, իր կնոջ ազդեցութեան տակ գտնուող մէկը — հրամայում է միսիոնարներին անմիջապէս թողնել երկիրը եւ հեռանալ, որ եւ կատարւում է:

Այս յօդուածի առաջին գլխում արդէն յիշատակեցինք մի քանի փաստեր այն մասին, թէ Վազներ ինչ կարծիք ունի ուսումնասիրողների (չինովնիկների) տխուր դերի մասին Հայաստանում:

էջմիածին այցելած միջոցին ու լամենից առաջ յանձին տեղի դաւառապետ (պրիստավ) Իվանովի, որի հիւրն է եղել Վազներ, վերջինս կրկին դառնում է ուսումնասիրողների բացասական տիպին:

Իվանովը ինքը խորը գոհունակութեամբ է խօսում իր եւ առհասարակ Անդրկովկասի ուսումնասիրողների վիճակի մասին: Նա «խարեբայ, սրիկայ» է անուանում հակառակը պնդողներին:

«Դուք ինքներդ տեսնում էք, — ասում է նա Վազներին, — իմ տունը զուրկ չէ ոեւէ յարմարութիւնից: Սեղանս լի է բարիքներով, գոմումս էլ քսան եւ չորս նժոյգ ունիմ, բոլորն ընտիր, իշխանական ձիեր: Ու այդ ամէնի հետ միասին՝ 20,000 բնակիչներ սիրում ու յարգում են ինձ որպէս նահանգապետի փոխանորդ»:

Ու Վազներ աւելացնում է իր կողմից.

«Պ. Իվանովը ասում էր տառացի ճշմարտութիւնը»: Եւ նա նկարագրում է այդ ուսումնասիրողների լիքը տունը, նրա փարթամ կեանքը: Եւ այդ՝ չնայած տարեկան ընդամէնը 600 ռուբլի ուձկին: Հայ գիւղացու կաշին քերթելով են Իվանովները ստեղծել իրենց համար անկարօտ կեանք: «Մէկը նուէր էր բերում ձի, միւսը՝ ոչխար, երրորդը՝ մի խոյ, շատերը՝ կողովներով լի հակիթ, ուրիշներ՝ կաթ, կարագ, թխուածք եւսյն, յաճախ նաեւ՝ հնչուն դրամ»:

Վազների ճամբորդութեան նպատակէտը Մասիս սարն է եղել, ինչպէս որ հեղինակը իր գրքի յառաջաբանում էլ ասում է: Եւ սակայն, ինչպէս կը տեսնէ ընթերցողը, Վազներ թէ եւ այցելում է Մասիսի լանջերը մինչեւ աւերուած Ակոռի գիւղի եւ Ս. Յակոբի վանքի մօտերը, բայց նա լերան կատարը չի բարձրանում:

Այդ ճամբորդութեան միջոցին եւս Վազների անբաժան ուղեկիցը եւ առաջնորդը եղել է Արովեան: Նրանց տրուած է լինում նաեւ գիտնութեան պահակ, հրամանատարութեամբ Արսէն Գեղամովի:

Վազներ զրադուած է առաւելապէս երկրաբանական եւ բուսաբանական հետազոտութեանց համար նիւթեր հաւաքելով: Հեղինակը ահազին թուով տեղեկութիւններ է տալիս մեզ